



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

## Kecewa, Sheik bagai hilang minat bersilat

Berita Harian, 20 October 1997, Page 17

Article also available on Microfilm Reel NL21109

Printer-Friendly Page

# Kecewa, Sheik bagai hilang minat bersilat

SEHARI selepas beliau kalah, hatinya masih bengkok gara-gara kekecewaan.

Kini, dalam benaknya bermain pelbagai persoalan.

Sama ada wajar untuk terus mengatur langkah perjuangannya dalam sukan silat, memutuskan tidak akan menjejakan kakinya ke medan pertempuran di Indonesia ataupun lebih baik mengalihkan haluan bergiat dalam sukan golf.

Demikianlah gelora perasaan Sheik Alauddin Yacob setelah impiannya untuk mempertahankan keunggulannya dalam acara Kelas I diranapkan oleh petua tandingan Zulfan, pesilat dari Indonesia.

"In adalah keputusan yang tidak wajar," Sheik mendakwa sambil merujuk kepada kekalahan rakan sekamar, Abdul Kadir Ibrahim.

"Kalau Kadir boleh kalah apatah lagi Sheik," beliau menegaskan.

Menurutnya, jika beginilah juri-juri membuat keputusan, maka tiada guna baginya untuk terus bergiat dalam sukan kesayangannya itu.

"Apabila Sheik lihat Sheik kalah dalam pusingan pertama, maka Sheik dapat bayangkan apa yang akan berlaku seterusnya.

"Jika hendak menang di sini, tidak ada lain pilihan kecuali Sheik dapat mengalahkan peserta Indonesia dengan kiraan *knockout*."

"Jika tidak, lupakan saja harapan untuk mengecap kemenangan," beliau menambah.

Menurut pesilat berbadan tinggi besar itu, setelah berbulan-bulan bersusah-payah membuat persiapan rapi terutama mengawal pemakanan dalam usaha mengurangkan berat badan, hasil yang diperolehinya amat mengecewakan.

"Sheik benar-benar tawar hati. Sheik seperti sudah hilang minat dalam sukan ini," beliau mengeluh hampa.

SILAT

Tetapi apakah yang akan dilakukan?

Sheik tidak dapat memberikan jawapan pasti tetapi beliau mungkin mengundurkan diri daripada silat.

Mungkin kalau meneruskan silat, barangkali tidak berminat bertanding di Indonesia.

Mungkin juga, beliau ingin bergiat cergas dalam sukan golf.

"Buat masa ini, Sheik belum dapat membuat sebarang keputusan. Tetapi sekembali dari sini nanti, Sheik akan memikirkan masa depan Sheik dalam silat," beliau memberitahu.

Sementara menunggu kembali ke Singapura hari ini, perasaan Sheik bagaikan terus didera oleh keputusan yang didakwanya sebagai "tidak adil".



**TAWAR HATI:** Bekas juara dunia silat, Sheik Alaudin akur bahawa beliau bagai sudah hilang minat untuk terus bergiat selepas tewas dalam pertarungan Kelas I di tangan peserta Indonesia. — Gambar fail.

Gambar fail.